

PETERENÊ papia ñamataña

Peterenê papia ñamataña nec gêjac lau bunja ñawae, tañ enj kêsam êsac gebe Lau jaba, tañ “Anôtô kêjaliñ êsêac sa” nañ. Lau tau sêngôñ kêsi-kêsigen aña Asia Sauñ ñagamênj gêmu kêsêpña (ñanodoña). Ac sêngôo salinj-salinj sêsêp lau samuc ñalêlôm. Keto papia tonec gebe ênac sêsamwaga têtac tøj gebe lau sêjanda to sêlêsu êsêac kêtú nêñ sêkênj gêwiñ Anôtôña. Kêtu tonañña ñac-ketowaga gêôñ Jesu Kilisi nê Ñawae Ñajam sa gêdênj êsêac gebe taênj ênam to sêkênj materj enj, tañ gêmác êndu to gêdi sa ma gêjac mata gebe êmu êmênj êtiam nañ. Êsêac tec sêsô nêñ ñandanj ñalabu ma sêôc sêpuc tauñ tøjgenj gebe sêkênj gêwiñ Anôtô tonañôgenj ñasaê tenj tonañ. Ac taênj ênam êtu tøj gebe êndênj bêc Jesu Kilisi eoc tau lasêña, oc têtáp nêñ ñagêjô ñawasi sa.

Ketowaga êjam danj lau tau gebe sêôc gêñwapac totêtac êpa sugenj ma kêkêli êsêac sêsa nêñ lênj têtôm lau, tañ têtú Kilisinê gêñgac nañ.

Ñadênanj

1. Gêjac m papia tau 1:1-2
2. Taêm ênam Anôtô gêjam kêsi ñamoasinj 1:3-12
3. Gêlênj binj gebe tamoa todabunjenj 1:13-2:10
4. Daôc ñandanj tapuc Kilisi wagamanj 2:11-4:19
5. Tanam nêñ sakinj todambu tauñgenj 5:1-11
6. Gêjac mata nê papia 5:12-14

Petere awa gêjac lau

¹ Jesu Kilisi nê aposolo aê, Petere, ñoc biñ êndên lau jaba, tañ Anôtô kêjaliñ êsêac sa sêngôn kêsikêsiğen anğa Pontu to Galatia ma Kapadokia to Asia ma Bitunia nañ. ² Tamenji Anôtô taê gêjam kwananğen, tec kêjaliñ amac sa ma kêkên Nalau Dabuñ gêwê amac asa lau Dabuñ nêñ lêñ ma tañem wamu Jesu Kilisi to aliñ ênê dec e atu selec. Moasiñ to biñmalô êndên amac êwac e ênam amac auc.

Biñ takên materña

³ Talambiñ aêacnên Apômtau Jesu Kilisi Tama Anôtô, tañ taê walô aêac gêjam sêga. Eñ gêñu Jesu Kilisi anğa ñacmatênên sa, tec kêkôc aêac tatu wakuc ma takên materñ eñ enderñ tônğen. ⁴ Eñ gêgôm gêñ tonanğe be tawê kainğ gêñlênsêm tenğenña to ñawasi, nañ ê su atom. Anôtô kêmasanğ gêñlênsêm tau tonanğ gêc undambê kwananğen kêtü amacña. ⁵ Anôtônê ñaclai gejob amac gebe akên êwiñ e atap moasiñ ênam amac kêsiña sa, tañ eñ kêmasanğ kwananğen gebe êtu awê êndên têm ñamuña nañ. ⁶ Êndên tônê oc atu samuc. Galoc tecenec oc moae gêñ amboac tonec ênac amac ñawae gebe lêtôm tokainğtokainğ êkên wapac amac têlagen açgom⁷ e Anôtô ênsaê amacnêm akên gêwiñ tau gebe ñanô. Ñamalac sêsaê gold, tañ kêtôm gebe oc ênaña nañ, ña ja. Ma amacnêm akên gêwiñ, tañ kêlêlêc gold tonanğ su nañ, oc êtap saê sa amboac tonanğ, gebe êwaka tau sa gebe gêñ ñanô tenğ. Ma êndên tañ Jesu Kilisi eoc tau lasê nañ, amac atap lambiñ to ñawasi to waem sa. ⁸ Ñac tau tonanğ amac alic eñ atom, mago têmeñac gêwiñ eñ. Amac matemanô kêpi eñ galoc atom, mago akên gêwiñgen e atu samuc eñ totêmeñac ñajam ma

totêmtac wapigen nañ. Ñamalac sêwa biñ tonañ ña jakêtom atom. ⁹ Amac atu samuc gebe atap nêma akêñ gêwiñ ñañanô sa. Ñanô tau moasiñ ênam katôm kêsiña.

¹⁰ Moasiñ tau tonañ propete sêsôm to sêkip ñam sa ma seoc moasiñ ênam amac kêsiña, tañ amac atap sa nañ lasê. ¹¹ Kilisinê Ñalau, tañ gêmoa êsêacnêñ ñalêlôm nañ, geoc lasê gebe Kilisi êoc ñandan e su acgom, go êmoa tonawasiñ. Êsêac sebe sêkip biñ tonañ ñanoc sa gebe êmêñ êndêñ ondoc ma êmêñ amboac ondoc. ¹² Anôtô geoc lasê gêdêñ propete tonañ gebe biñ tonañ ênam êsêac tañ sa atom, ênam amac sa. Lau tañ sêsôm ñawae ñajam gêdêñ amac sêsôm bi ñ, tañ propete sêwa sa nañ, lasê gêdêñ amac. Ma Ñalau Dabuñ, tañ Anôtô kêsakiñ aña undambê gêmêñ nañ, kêpuc êsêac tôñ. Ñawae tonañ aña tañ têtú kêka-kêka ñanô gebe sêjala sêwiñ.

Anôtô kêkalem aêac gebe tasa lêñ dabuñ

¹³ Amboac tonañ amansañ nêma kauc ñajaña êsa ma nêma ñalêlôm tekwem sakigen, ec akêñ matem moasiñ, tañ Jesu Kilisi eoc tau lasê ma êkêñ êndêñ amac nañ. ¹⁴ Atôm Anôtônê ñapalê tañem wamuña, ma têtmtac ñakalac, tañ kêkac amac gêdêñ tañ nêma kauc kêsa atomgen nañ, ênam gôliñ amac êtiam atom. ¹⁵ Atôm ñac dabuñ tau, tañ kêkalem amac nañ, ma asêlêñ to asa nêma lêñ samob atôm lau dabuñgen, ¹⁶ gebe teto biñ gec gebe “Amac atu lêu dabuñ, gebe aê tauc dabuñ.”

¹⁷ Amac embe awem ênac Anôtô, tañ êmêtôc ñamalac êndêñ-êndêñgen atôm nêñ kolengen ma êpuc open ñac teñ atom nañ, ma embe asam eñ

gebe Tamemi, go asa nêmlêḡ toatêc enḡen êtôm tēm amoa gamêḡ jaba tonecḡa. ¹⁸ Amac alicgac gebe awa, taḡ ê su amboac gold to silber naḡ, kêsi amac su aḡga lêḡ sec, taḡ gelom amac aḡga abeminêḡ naḡ, ma mēḡamoa nêmlêḡtêḡen nec atom. ¹⁹ Kilisinê dec kêtḡ awa ḡanô tau, tec kêsi amac su. En kêtôm domba ḡabinmê to ḡajamanô teḡ, ²⁰ Anôtô kêjalij en sa gêdêḡ taḡ kêkêḡ undambê to nom atomḡen naḡ, tec kêkêḡ en mēḡkêḡ awê gêdêḡ tēm ḡamuḡa tonec kêtḡ amacḡa. ²¹ En kêkêḡ amac akêḡ gêwiḡ Anôtô, taḡ gêḡu en sa aḡga ḡacmatênêḡ ma kêkêḡ ḡawasi gêdêḡ en naḡ. Amboac tonāḡ amac akêḡ gêwiḡ to akêḡ matem apeḡ Anôtôḡen.

²² Amac taḡem wamu biḡḡanô, tec gêgôm amac katôm ḡawa kêsa ma gêgôm amac tēmḡac gêwiḡ la-sitêwai ḡanôḡen. Amboac tonāḡ akêḡ tēmḡac gêwiḡ elom tau tonêḡ ḡalêlôm samucḡen. ²³ Amac atu wakuc ḡam kêsêḡ ḡawê, taḡ ênaḡa naḡ atom, kêsêḡ ḡawê, taḡ ênêc ḡapaḡ. ḡawê tau Anôtônê biḡ mata jali, taḡ ênêc teḡḡen naḡ, ²⁴ gebe

“ḡamalac samob têtôm gêḡwaḡ,
ma nêḡ ḡawasi samob kêtôm gêḡwaḡ ḡaola.

Gêḡwaḡ kêḡmêlij,
ma ḡaola kêsêlô.

²⁵ Mago Apômḡaunê biḡ oc ênêc teḡḡen.”

Ma biḡ tau tonāḡ ḡawae ḡajam, naḡ sêsôm gêdêḡ amac.

2

Poc mata jali to lau dabuḡ

¹ Amboac tonāḡ akwalec nêḡm biḡ sec totau-totau to biḡḡansaḡ samob ma aḡam biḡ auc to

têmtac sec ma biñ gêga samob su. ² Atôm ñapalê dedec, tañ têtanj su nañ, ma atañ su ñanô mêtê ñawa tau, gebe atôp atu kapôêñ e atap moasiñ ênam amac kêsiña sa. ³ Amac asaê sugac gebe Apômtau eñ ñajam. ⁴ Amac andêñ poc mata jali, Apômtau tau, ana. Ñamalac têtij eñ siñ su, mago Anôtô kêjaliñ eñ sa ma gêlic eñ amboac poc awamata ñanô teñ. ⁵ Ma Anôtô êkwê amac sa amboac poc maten jali atu Ñalau Dabuñ nê andu to atu dabuñwaga dabuñ, gebe akêñ da ñalêlômña, tañ ênac Anôtô mataanô ñajam êtu Jesu Kilisiña, ⁶ êtôm teto gêc gebe
 “Alic acgom, aê kajaliñ poc awamata ñanô teñ sa
 kêtú poc kêclêsuña
 ma kasuñ kêkô Sion.

Ñac tañ kêkêñ gawiñ eñ nañ, oc ênaña atom.”

⁷ Poc tau tonañ kêtú amac akêñ-gêwiñ-waga nêam awamata ñanô. Mago êndêñ êsêac, tañ sêkêñ gêwiñ atom nañ,

“poc tañ lau-sêkwêwaga sêbaliñ siñ nañ,
 kêtú poc kêcñsuña,”

⁸ ma

“kêtú poc sêndiñ eñkaiñ êpiña

to poctêna êngôm lau têtac êmbôli aucña.”

Êsêac tañ sêkêñ gêwiñ Anôtônê biñ atom nañ, dêdiñ eñkaiñ kêpi poc kêtôm Anôtô kêmasañ ñabiñ kwananğeñ.

⁹ Mago amac atu gôlôac, tañ Anôtô kêjaliñ sa nañ. Amac atu kiñnê dabuñwaga to lau dabuñ m teñ. Amac atu Anôtônê lau solop, tec asôm Ñac, tañ kêkalem amac aña ñakesec adêñ ênê ñawê kaiñ teñ aja nañ, nê gêñtalô ñawae lasê. ¹⁰ Gêmunğeñ atu Anôtônê lau atom, mago galoc atu ênê lau.

Gêmungeŋ amac atap Anôtônê taê walô sa atom, mago galoc eŋ taê walô amac.

Tasa lêŋ êtôm Anôtônê sakiŋwaga

¹¹ O lauace, aê jalêŋ biŋ amac, taŋ amoa amboac lau waba to lau jaba naŋ, êŋgamiŋ taôm êndêŋ têmtac ŋakalac, taŋ gêjac siŋ gebe enseŋ katôm su naŋ. ¹² Asa nêŋ lêŋ amoa lau samuc ŋalêlôm tolaŋômnêŋ sawageŋ. Go êsêac, taŋ sêŋgôliŋ biŋ êpi amac gebe agôm secŋa naŋ, sêsala amacnêŋ kolenŋ ŋajam ma sêlambiŋ Anôtô êndêŋ bôc eŋ êô lasêŋa.

¹³ Asô ŋamalacnêŋ ŋagôliŋ samob ŋalabu êtu Apômtaŋa. Asô kiŋ, taŋ kêtû ŋatau ŋamataŋa naŋ ŋalabu, ¹⁴ to asô gôliŋwaga, taŋ eŋ kêsakiŋ êsêac gebe sêkêŋ ŋagêjô êndêŋ lau, taŋ sêgôm sec to sêlambiŋ lau, taŋ sêjam kôm ŋajam naŋ, ŋalabu amboac tonangeŋ. ¹⁵ Gebe Anôtô taê gêjam biŋ amboac tonec gebe amac anam kôm ŋajam gebe êmbaob lau meloc, taŋ sêjam kauc biŋ naŋ, aweŋ auc. ¹⁶ Asa lêŋ tau amboac lau, taŋ Kilisi kêgaboac Êsêac su naŋ. Mago kêgaboac amac su ŋamoasiŋ êtu sec ŋasabaŋ atom. Atu Anôtônê sakiŋwaga. ¹⁷ Atôc lau samob sa ma têmtac ôwiŋ gôlôac, taŋ têtû nêŋ lasitêwai naŋ. Atêc Anôtô ma atoc kiŋ sa.

Kilisi gêôc ŋandaŋ êtu ŋadôŋdôŋ ênderŋ aéac

¹⁸ Amac sakiŋwaga asô nêŋ ŋataui ŋalabu to atoc êsêac sa. Asô ŋataui ŋajam to wapôm taungeŋ ŋalabu atom, asô ŋataui keso ŋalabu êwiŋ. ¹⁹ Ŋac teŋ embe nê ŋalêlôm êsap Anôtô tôŋ ma êôc wapac êtu biŋ tagenŋ tonanŋa, naŋ Anôtô oc ênam mec eŋ. ²⁰ Embe têtap amac to aôc wapac êtu agôm secŋa, naŋ oc

êkêñ amac waem amboac ondóc. Mago embe sêkêñ ñandan êndêñ amac to aóc wapac êtu agôm ñajamña, nanjo Anôtô ênam mec amac. ²¹ Kêtu biñ tonanña tec Anôtô kêkalem amac, gebe Kilisi gêôc ñandan kêtu amacña. Eñ kêtu ñadôñdôñ gêdêñ amac gebe apuc eñ waña. ²² Eñ gêgôm sec teñ atom ma têtap biñdansañ teñ sa kêsa eñ awasuñ atom. ²³ Êsêac sêbu eñ, ma eñ gêbu êsêac ñagêjô atom. Sêkêñ eñ gêôc ñandan, mago eñ kêkôtêñ lêma gêdêñ êsêac atom. Eñ gêliñ nê biñ samob su gêdêñ ñac, tañ êmêtôc biñ ñañêñña nanjen gêja. ²⁴ Aêacnêñ sec kêpi eñ tau ôli ma eñ kêkôc sec tau sa kêpi ka gêja, gebe tatu mêtê êndêñ sec, ma materñ jali êsa êndêñ biñgêdêñ. Ênê sêm ñamala gêgôm amac ñajam kêsa. ²⁵ Gêmunjen amac amoa amboac domba sêbôm, mago galoc Anôtô gêjam amac ôkwi adêñ ñacgejob, tañ gejob amac katôm nañ aja.

3

Lauo to ñac nêñ biñ

¹ Amac lauo asô nêñ ñaci ñalabu amboac tonanjen. Ñacwaga ñagêdô embe sêkêñ êwiñ Anôtônê biñ atom, go lauo sêsôm biñ teñ atom, nêñ Iênjen êngom ñacwaga sênam tauñ ôkwi, ² gebe ñacwaga sêlic amac asa nêñ lêñ gêdêñ to atêc Anôtôgen, ec sêndanuc. ³ Anam gêlôn taôm ña gêñ dêmôêña amboac mômêmlauñ ñapoactalô tokainñtokainñ ma anôn gold ñawasi to asô ñakwê ñajam-ñajam nec atom. ⁴ Anam gêlôn taôm ña gêñ ñalêlômña, tañ ê su atom nañ. Gêñ tau tonec gebe amoa tonêñ ñalêlôm malô to ñañêñ gebe gêñ tonan ñai Anôtô gêlic amboac awamata ñanô.

⁵ Andaŋgeŋ lauo dabuŋ, taŋ sêkêŋ mateŋ Anôtô naŋ, sêjam gêlôŋ tauŋ ŋa awamata tonan, ma sêsô nêŋ ŋaci ŋalabu ŋapep. ⁶ Sara kêtôm tonan. Eŋ taŋa wamu Abraham ma kêsam eŋ gebe Ŋoc apômtau. Amac embe aŋgôm gêŋ ŋajam to atêc gêŋ teŋ atom, go atu Sara latuio.

⁷ Amac ŋacwaga amboac tonan. Awiŋ nêŋ lauo tokaucgeŋ, gebe êsêac ôliŋwalô kêtôm amac atom. Atoc êsêac sagen gebe êsêac sêwê kaiŋ moasiŋ daŋgôŋ mateŋ jaliŋa amboac tonan. Aŋgôm geŋ tau gebe gêŋ teŋ êkô amacnêŋ mec auc atom.

Daôc ŋandan êtu biŋgêdeŋŋa

⁸ Aê jakatoŋ ŋoc biŋ sa amboac tonec gebe Amac samob nêŋ biŋ elom tau ŋajam. Aôc gêŋwapac awiŋ taôm, têmtac êwiŋ lasitêwai to atoc taôm sa atom, êkônin taômgeŋ. ⁹ Akêŋ sec êjô sec atom ma biŋ alôb-alôb êjô biŋ alôb-alôb atom, akêŋ mecgeŋ êjô. Taêm ênam gebe Anôtô kêkalem amac gebe awê kaiŋ mec êtu nêŋ gêŋlênsêŋ.

Gebe teto gêc gebe

¹⁰ “Ŋac taŋ têtac gêwiŋ gebe êmoa mata jali ma gebe êmoa ŋajamgeŋ naŋ, ejop imbêla êndêŋ biŋ sec to gêdôôlic êndêŋ biŋdansan.

¹¹ Eŋ ênac jaê sec to êŋgôm gêŋ ŋajam.

Eŋ ensom biŋmalô ma êndaŋguc e naê tôŋ,

¹² gebe Apômtau mata kêsap lau gêdêŋ ma kêkêŋ taŋa nêŋ mec.

Mago Apômtau laŋô gelo lau, taŋ sêgôm sec naŋ.”

¹³ Embe aŋgôm ŋajam atu dôbgeŋ, ma asa oc êŋgôm amac atu sec. ¹⁴ Embe aôc gêŋwapac êtu adaguc biŋ gêdêŋŋa, go aê aoc êôc amac.

Njamalacnêḅ biḅ êtakê to êlênsônḅ amac atom. ¹⁵ Atôc Kilisi sa anḡa nêḅ ḡalêlôm ma akêḅ eḅ êtu nêḅ Apômtau. Amansaḅ taôm ḡapaḅ e lau teḅ embe teteḅ amac gebe awa biḅ, taḅ akêḅ matem ḡêc nêḅ ḡalêlôm naḅ sa, naḅḡo ḡaôḡeḅ asôm lasê êndêḅ êsêac. ¹⁶ Anḡôm totêmtac malô ma ajop taômḡeḅ, gebe nêḅ ḡalêlôm ḡajam, ec êḅḡôm êsêac, taḅ sêḡôliḅ biḅ kêpi amac to sêbu amac, taḅ asa Kilisinê lêḅ ḡajam naḅ majeḅ. ¹⁷ Anôtô embe taê ênam gebe aôc ḡandaḅ êtu aḡôm ḡajamḡa naḅ, oc ḡajam êlêlêc aôc ḡandaḅ êtu aḡôm secḡa su. ¹⁸ Kilisi amboac tonan. Eḅ ḡêmac êndu kêtu dim tageḅ kêtu aêacnêḅ secḡa. Naḅ ḡêdêḅ ḡêjô aêac lau ḡêdêḅmê su, gebe êwê aêac dandêḅ Anôtô tana. Êsêac sêjac eḅ ôligeḅ êndu, mago Naḡau kêkêḅ eḅ mata jali kêsa. ¹⁹ Ma toNaḡaueḅ ḡêja ḡêjam mêtê ḡalau, taḅ sêḅḡônḅ kapoacwalô naḅ. ²⁰ ḡêdêḅ andanḅeḅ êsêac sêkêḅ ḡêwiḅ Anôtônê biḅ atom. Anôtô kêsaê êsêac to ḡê êsêacnêḅ biḅ tôḅ ḡêdêḅ taḅ Noa ḡêsô waḅ ḡêmoa naḅ. Waḅ tonan ḡêjam lau ḡḡeḅ sa selom bu kêsuḅ ḡatêna. ²¹ Bu tonan kêtu busanḡu, taḅ galoc ḡêjam amac kêsi naḅ ḡadôḅdôḅ. Busanḡu tau êkwasiḅ ḡatêmui ôliḅḡa su atom, mago êtu môêc endeḅ Anôtô gebe êmansaḅ ḡalêlôm ḡawa êsa êtu Jesu Kilisi ḡêdi saḅa. ²² Eḅ kêpi undambê ḡêja jagêḅḡônḅ Anôtônê anôḅa, ma anela to ḡaclai ma ḡactêkwa sêsô eḅ ḡalabu.

4

Tanam tauḅ ôkwi ma tasa lêḅ wakuc

¹ Kilisi ḡêôc ḡandaḅ kêpi tau ôli. Amboac tonan amansaḅ taôm e nêḅ ḡalêlôm êtôm ênê acḡom,

gebe ñac, tañ gêôc ñandan kêpi tau ôli nan, sec kêlêwan en. ² Tec ñamalacnêñ têntac ñakalac ênam gôliñ amac êndên têm amoa nomña étiam atom, Anôtônê biñgen ênam gôliñ amac. ³ Gêdên têm, tañ gêjaña su nan, amac agôm lau samuc nêñ biñ kêtutôñ, tec kêtôm gac. Amac asa nêm lêñ mockainjo to mockainña ma amoa totêmtac ñakalac. Gêñ kêjaññ amac ma aen lasam to anôm anaboa anğôn awiñ taôm to ajam sakiñ gêdên gwam asen Anôtônê biñsu su. ⁴ Ma galoc asêlêñ awiñ lau samuc ma asa nêñ lêñ wauc-waucgenña kêtiam atom, tec sêlic sec ma sêsôm biñ alôb-alôb kêpi amac. ⁵ Mago êsêac oc sêwa nêñ biñ sa êndên ñac, tañ kêmasañ tau su gebe êmêtôc maten jali to ñacmatê nêñ biñ nan. ⁶ Kêtu biñ amboac tonanña en kêsôm ñawae ñjam lasê gêdên ñacmatê gebe êsêac têtap mêtôc sa kêtôm ñamalac têtap sa, mago ñalau sêmoa maten jali kêtôm Anôtô gêmoa mata jali.

⁷ Gêñ samob ñatêku êsuña ñanoc kêdabiñgac. Amboac tonan taêm ênam taôm ma aten nêm mec totekwen sakigen. ⁸ Tonec tec tasôm êtu ñamata gebe akên têmtac gêwiñ elom tau ñanôgen gebe têntac gêwiñ êngênduc sec samob auc. ⁹ Anğôm ja lau atu môsi atom. ¹⁰ Anam sakiñ taôm êndên-êndêngeñ êtôm moasiñ, tañ akôc nan, ma atu Anôtônê moasiñ tokaiñ-tokaiñ ñagejobwaga ñjam. ¹¹ Ñac ten embe ênam mêtê, nan êsôm êtôm Anôtônê biñgen. Ten embe ênam sakiñ, nan ênam êtôm ñaclai, tañ Anôtô kêkên gêdên en nan. Anğôm gêñ samob tonan gebe Anôtônê ñawasi êsa êtu Jesu Kilisiña. Ñawasi to ñajaña êndên en tengeñ ma tengeñ. Biñnanô.

Daôc nandanj tatôm Kilisine lau

¹² O lauace, alic nandanj, tañ kêlêtôm amac gêmoa nanj, amboac gêñ kainj teñ, tañ kêtap amac sa nanj atom. ¹³ Têmtac njajam êsa gebe awê kainj Kilisinê nandanj awiñ. Ma êndênj noc eñ eoc nê njawasi lasêña nanj, amac oc atu samuc totêmtac njajamgeñ.

¹⁴ Embe sêmbu amac êtu Kilisinê njêña, oc aoc êôc amac, gebe Anôtônê Njalau njawasi wacêpi amac.

¹⁵ Amacnêm teñ êôc nandanj amboac njac, tañ gêjac njamalac êndu me gêjam geñgeñ gêñ me gêgôm sec me kêgabec launênj kôm paliñ-paliñgeñ nanj atom.

¹⁶ Mago amac embe aôc nandanj atôm Kilisinê lau, nanj majem atom. Alambiñ Anôtô gebe kêkêñ amac amac awê kainj njê tonanj.

¹⁷ Noc kêdabiñ gebe Anôtô êmêtôc biñ ênac m anja eñ tau nê gôlôac. Embe êngôm êndênj aêac amboac tonanj, ma êsêac, tañ tajeñpêc gêdênj Anôtônê njawae njajam nanj, oc êngôm êsêac amboac ondocgeñ.

¹⁸ “Anôtô embe ênam lau gêdênj kêsi, oc njalênj njawapac,

ma lau geo to lau sec oc amboac ondoc.”

¹⁹ Amboac tañ êsêac, tañ sêôc nandanj kêtôm Anôtô taê gêjam nanj, sêsa nêñ lêñ njajam to sêsakiñ katunj êndênj njac njajênj, tañ kêkêñ gêñ samob nanj.

5

Tajop Anôtônê domba

¹ Aê jalênj biñ laumata, tañ sêmoa amac njalêlôm nanj. Aê laumata teñ katôm amac ma galic Kilisi gêôc nandanj ma oc jawê kainj njawasi, tañ mênjêtu awê êtu njamu nanj. ² Ajop Anôtônê domba njatonj,

tañ kêkêñ gêdêñ amac nañ, ma ajop êtu sêkac amacña atom. Taôm anğôm anac ñawae êtôm Anôtônê biñ. Anğôm êtu awa geoña atom, anğôm êtu nêñ sakinj topalêgeñña. ³ Ajop êsêac, tañ sêsêp amac lememe nañ amboac gôlinwaga, tañ sêkônij nêñ gôlôac nañ atom. Atu ñadôñdôñ ñajam êndêñ nêñ domba ñatonj. ⁴ Ma gejobsêga tau embe êo lasê, go amac akôc ñawasi ñasunsunj, tañ ênaña atom nañ.

⁵ Amac lau wakuc amboac tonañ. Asô lau ñanô ñalabu. Amac samob akônij taôm to anam sakinj taôm êndêñ-êndêñgeñ, êtôm teto gêc gebe “Anôtô êkô lau, tañ tetoc taun sa nañ auc, ma êkêñ moasinj êndêñ êsêac, tañ sêkônij taun nañ.”

⁶ Amboac tonañ akônij taôm asô Anôtônê lêma ñajaña ñalabugeñ, ec etoc amac sa êndêñ ñanoc. ⁷ Gêñwapac samob, tañ kêkônij amac nañ, apô êpi eñ êna, gebe eñ gejob amac. ⁸ Tekwem saki ma anam jaligeñ, gebe amacnêñ ñacjo Sadanj kêsêlêñ kêtañ-kêtañ amboac lewe ma gesom nê gêñ gebe êndanğôñ. ⁹ Anğaminj taôm êndêñ eñ ma akêñ êwinj ñajaña. Ma ajala gebe amacnêñ lasitêwai, tañ sêmoa nom ñagamêñ samob nañ, sêoc ñandanj tau tonañ têtôm amac. ¹⁰ Moasinj samob ñatau Anôtô, tañ gêbinj amac to Kilisi tônia nañ, kêkalem amac gebe akôc ênê ñawasi tengeñña. Oc akôc ñandanj têlagenj ma eñ tau mênêñnac dabij amac to êpuc amac tônia, ma êkêñ ñaclai êndêñ amac to ênsunj amac sa akô ñajaña. ¹¹ Najaña êndêñ eñ endenj tôniañgeñ. Binjanô.

Petere gêjac mata nê biñ

¹² Âê kato papia dambê tonañ gêdêñ amac ma lasic Silwana, tañ galic eñ amboac ñac ñañêñ nañ,

gêjam aê sa. Aê galêḅ biḅ to gawa sa gêdêḅ amac gebe Anôtônê moasiḅ ḅanô tau tonec. Akô ḅajaḅa akô moasiḅ tau ḅalêlôm. ¹³ Gôlôac dabuḅ aḅga Babel, taḅ Anôtô kêjaliḅ êsêac sa sêwiḅ naḅ, awenḅ gêjac amac, ma latuc Marka amboac tonanḅen. ¹⁴ Aê moalêc taôm to akôc taôm sa totêmtac êwiḅenḅ. Biḅmalô êndêḅ amac samob, taḅ Kilisi gêbiḅ amac tôḅ naḅ êwac.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb